

691



Broj:01/2-02-1-3474/18
Dana:11.05.2018.godine

SKUPŠTINA KANTONA SARAJEVO
n/r predsjedavajuće Skupštine

PREDMET: Odgovor na poslaničko pitanje zatupnika Selme Filipović, dostavlja se,-

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 41. Radnoj sjednici Skupštine Kantona Sarajevo održanoj dana 26.04.2018. godine postavila zastupnica Selma Filipović.

S poštovanjem,

Prilozi:

- Odgovor Uprave policije;
- CD

Dostaviti:

- Naslovu;
- Stručna služba Vlade Kantona Sarajevo;
- a/a



**Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
Sektor kriminalističke policije
SARAJEVO**

Broj: 02/3-4 - 54 /18
Datum: 10.05.2018. godine

**MINISTARSTVO UNUTRAŠNJIH POSLOVA
KANTON SARAJEVO
N/r Sekretara**

PREDMET: Informacija, poslaničko pitanje, d o s t a v l j a s e.-

VEZA: Vaš akt broj: 01/2-02-1-3474/18, od 07.05.2018. godine.

U prilogu Vam dostavljamo informaciju sačinjenu u vezi aktivnosti koje poduzimaju policijski službenici Uprave policije MUP-a Kantona Sarajevo, na sprečavanju i otkrivanju krivičnih djela iz oblasti zloupotreba opojnih droga u Kantonu Sarajevo, sa posebnim osvrtom na područje općine Stari Grad, vezano za postavljeno poslaničko pitanje zastupnice u Skupštini Kantona Sarajevo, g-đe Filipović Selme.

**PRILOG: 1x Informacija
1x CD**


Mevludin Halilović

INFORMACIJA

Informacija sačinjena u vezi aktivnosti koje poduzimaju policijski službenici Uprave policije MUP-a Kantona Sarajevo, na sprečavanju i otkrivanju krivičnih djela iz oblasti zloupotrebe opojnih droga u Kantonu Sarajevo, sa posebnim osvrtom na područje općine Stari Grad

Uprava policije i njene organizacione jedinice u proteklom periodu su poduzimali niz mjera i radnji na sprečavanju i otkrivanju izvršenja krivičnih djela iz oblasti zloupotrebe opojnih droga na području Kantona Sarajevo. Navedene mjere i radnje se poduzimaju u skladu sa Akcionim planom rada za sprovođenje Strategije Uprave policije, čiji je jedan segment borba protiv zloupotrebe opojnih droga. Aktivnosti koje sprovode policijski službenici Uprave policije MUP-a KS, obuhvataju kako represivne, tako i preventivne mjere u cilju suzbijanja pošasti zloupotrebe opojnih droga.

Represivne radnje koje poduzimaju policijski službenici Uprave policije su :

- lišenje slobode lica koja vrše krivična djela iz oblasti zloupotrebe opojnih droga
- pretres lica, objekata, vozila i dr. koji se mogu dovesti u vezu sa izvršenjem krivičnih djela iz oblasti zloupotrebe opojnih droga
- pronalazak i privremeno oduzimanje opojne droge
- privremeno oduzimanje imovinske koristi ostvarene vršenjem ovih krivičnih djela (novac i drugi predmeti)
- privremeno oduzimanje pokretnih stvari korištenih za transport opojne droge
- privremeno oduzimanje drugih predmeta bitnih za vođenje krivičnog postupka

Uzimajući u obzir položaj naše zemlje, kantona, i samog grada Sarajeva kao glavnog grada BiH, a u cilju što uspješnije borbe protiv svih pojava oblika kriminaliteta, u Upravi policije ovog Ministarstva, dugi niz godina egzistira i organizaciona jedinica Odjeljenje za borbu protiv zloupotreba opojnih droga. Policijski službenici ovog odjeljenja, zajedno sa policijskim službenicima drugih organizacionih jedinica Uprave policije MUP-a KS, kontinuirano preduzimaju mjere i radnje na sprečavanju i otkrivanju krivičnih djela iz oblasti zloupotreba opojnih droga.

Policijski službenici Uprave policije MUP Kantona Sarajevo, takođe po ovom pitanju usko saraduju sa drugim policijskim agencijama (Direkcija za koordinaciju policijskih tijela BiH, SIPA BiH, Granična policija BiH, MUP FBiH, MUP RS, kantonalni MUP-ovi u Federaciji BiH, kao i sa OSA BIH). U saradnji sa ovim policijskim agencijama, je izvedeno više zajedničkih akcija na dokumantovanju krivičnih djela iz oblasti zloupotreba opojnih droga, posebno na dokumentovanju organizovanih kriminogenih grupa koje djeluju na području Kantona Sarajevo.

Preduzimajući mjere i radnje iz svoje nadležnosti, policijski službenici Odjeljenja za borbu protiv zloupotreba opojnih droga Sektora kriminalističke policije i drugih organizacionih jedinica Uprave policije MUP Kantona Sarajevo, su u 2017. godini i u prva četiri mjeseca ove godine ostvarili rezultare prikazane u Tabeli 1.

Tabela 1. Statistički podaci za Kanton Sarajevo

	01.01. do 25.04. 2018. godine	01.01. do 31.12. 2017. godine
Broj Izvještaja o počinjenim krivičnim djelima iz oblasti zloupotrebe opojnih droga (član 238 i 239 KZ F BiH)	147	433
Broj prijavljenih lica izvršilaca KD iz oblasti zloupotrebe opojnih droga	150	473
Broj lica predatih tužiocima (određen pritvor)	14	29
Marihuana	4461,558 grama	15640,316 grama
KOLIČINA ZAPLIJENJENE DROGE		
Heroin	22,5 grama	21,784 grama
Amfetamin	295,465 grama	2112,819 grama
Kokain	0,5 grama	38,013 grama
Ecstasy	6,515 grama i 42,5 tableta	4,956 grama i 884,5 tableta
Cannabis biljka	1 stabljika	3 stabljika
Cannabis sjeme	100 komada	1 komad i 14,510 grama
Hašiš	-	27,839 grama
LSD	-	37 markica
MDMA/MOLLY	-	6,5 grama
Suboxon - tablete	-	19 komada

Analizirajući rezultate rada koji su ostvareni od strane policijskih službenika Uprave policije ovog Ministarstva, primijetno je kontinuirano, zakonom predviđeno, preduzimanje mjera i radnji prema izvršiocima krivičnih djela iz oblasti zloupotreba opojnih droga (krivična djela “neovlaštena proizvodnja i stavljanje u promet opojnih droga” i “posjedovanje i omogućavanje uživanja opojnih droga”).

Tokom 2017. godine, izvedeno je više operativnih akcija kojima je obuhvaćen veliki broj lica koja vrše krivična djela iz oblasti zloupotreba opojnih droga. Ovom prilikom navodimo kodne nazive nekih od izvedenih akcija u 2017. godini: “Tobolac”, “TAM”, “Papir”, “Igrač”, “Doboš”, “Roki” “Tajo”, “Grbavica”, “Boba”, “B-Siti”, “Tehno”, “Molly”, “Bluz”, “Briješće”, “Trola” i druge, koje su rezultirale zapljenom veće količine narkotičkih sredstava, kao i drugih predmeta koji će se koristiti kao dokazi u krivičnom postupku (vage, pribor za prepakivanje, oružje i drugo).

U dosadašnjem periodu 2018. godine, takođe je preduzeto više planskih operativnih akcija: “Brzina”, “Vrba”, “Vaga”, “Star”, “Hadžaga”, “Limit”, “Šmajser” i druge, koje su rezultirale zapljenom veće količine narkotičkih sredstava, kao i drugih predmeta koji će se koristiti kao dokazi u krivičnom postupku (vage, pribor za prepakivanje, oružje i drugo).

Iz Tabele 1., vidljivo je da su policijski službenici Uprave policije ovog Ministarstva, privremeno oduzeli značajne količine raznih vrsta opojnih droga, ali je bitno istaći i da su policijski službenici Uprave policije, od lica koja vrše krivična djela iz oblasti zloupotrebe opojnih droga, privremeno oduzeli i značajne količine raznog naoružanja, municije, eksplozivnih sredstava i drugih predmeta pogodnih za nanošenje tjelesnih povreda (Tabela 2.).

Tabela 2. Privremeno oduzeto naoružanje i drugi predmeti

	01.01. do 25.04.2018. godine	01.01. do 31.12.2017. godine
Privremeno oduzeta municija	120 komada	1047 komada
Privremeno oduzeti pištolji	7	10
Privremeno oduzete puške	2	7
Privremeno oduzeti eksploziv	-	50 grama plastičnog i 200 grama TNT
Privremeno oduzete detonatorske kapsle	-	3 komada
Privremeno oduzeti drugipredmeti za nanošenje tjelesnih povreda	-	9 komada

Pronalaskom i privremenim oduzimanjem navedenih količina vatrenog oružja (pištolji, automatske i druge puške), te eksploziva, značajno se doprinijelo povoljnijem sigurnosom ambijentu u Kantonu Sarajevo, naročito kada se u obzir uzme činjenica da je pronađeno naoružanje bilo u ilegalnom posjedu lica koja vrše krivična djela iz oblasti zloupotreba opojnih droga.

Pored navedenih represivnih aktivnosti, policijski službenici Uprave policije ovog Ministarstva, preduzimali su i preventivne mjere u okviru kojih je održano više edukativnih radionica/predavanja djeci u osnovnim i srednjim školama u cilju preveniranja zloupotrebe opojnih droga od strane mladih.

Ovom prilikom navodimo neke od mjera i radnji koje policijski službenici Odjeljenja za borbu protiv zloupotreba opojnih droga i drugih organizacionih jedinica Uprave policije MUP Kantona Sarajevo preduzimaju na sprečavanju i otkrivanju krivičnih djela iz oblasti zloupotreba opojnih droga, a to su:

Preventivne mjere koje su preduzimali policijski službenici Uprave policije:

- održavanje edukativnih predavanja učenicima osnovnih i srednjih škola na području Kantona Sarajevo po pitanju sprečavanja zloupotreba opojnih droga;
- obilazak obrazovnih ustanova u cilju prikupljanja saznanja vezanih za eventualnu zloupotrebu opojnih droga u istim;
- operativno pokrivanje cjelokupnog područja Kantona Sarajevo radi prikupljanja bezbjednosno-interesantnih saznanja u vezi sa vršenjem krivičnih djela iz nadležnosti Odjeljenja;
- pravovremeno i objektivno informisanje javnosti o zapljenama opojnih droga i lišenju slobode lica koja vrše ta krivična djela;
- permanentna edukacija policijskih službenika iz ove problematike – praćenje novih trendova i informisanje o dobroj praksi drugih policijskih agencija.
- uska saradnja sa ustanovama i nevladnim organizacijama koje se bave prevencijom i liječenjem ovisnika narkoticima

Područje općine Stari Grad

Područje općine Stari Grad, kao jedna od centralnih općina na području Kantona Sarajevo, u posebnom je fokusu gore navedenih aktivnosti koje se sprovode u cilju suzbijanja nelegalne trgovine narkoticima. Zbog specifičnosti krivičnih djela iz oblasti zloupotrebe opojnih droga, koja se ogleda u velikoj međusobnoj povezanosti izvršilaca ove vrste krivičnih djela, kao i njihovoj mobilnosti, kako na području Kantona Sarajevo, tako i na području cijele BiH, bitno je istaći da je područje općine Stari Grad mjesto na kojem krivična djela iz oblasti zloupotreba opojnih droga čine i izvršioци ovih krivičnih djela koji su nastanjeni na području drugih općina u Katonu Sarajevo, odnosno, da dileri opojnih droga sa prebivalištem na području općine Stari Grad, djeluju kako na području općine Stari Grad, tako i na području Kantona Sarajevo i cijele BiH.

Ovom prilikom navodimo statističke pokazatelje koji su vezani samo za područje općine Stari Grad (Tabela 3.), a rezultat su planskih aktivnosti koje su preduzimane na području općine Stari Grad, odnosno prema licima koja su nastanjena na području općine Stari Grad.

Tabela 3. Statistički podaci za općinu Stari Grad

	01.01. do 25.04.2018. godine	01.01. do 31.12.2017. godine
Broj lica obuhvaćenih aktivnostima na području Prve PU - Stari Grad (izvršioци K.D. iz oblasti zloupotrebe opojnih droga)	26 lica	40 lica
Broj lica nastanjenih u općini Stari Grad koji su vršili krivična djela zloupotrebe opojnih droga na području drugih općina	14 lica	61 lice
Broj pretraženih ugostiteljskih objekata na području općine Stari Grad	2	2

Kod svih lica navedenih u Tabeli 3., pronađena je opojna droga, a kod nekih od tih lica i drugi predmeti bitni za vođenje krivičnog postupka, koji su zajedno sa drogom privremeno oduzeti, te su nadležnom tužilaštvu dostavljeni izvještaji o pretresanju, odnosno, izvještaji o izvršenim krivičnim djelima.

U dva pretresena ugostiteljska objekta (Tabela 3.) tokom 2017. godine, kod pet lica je tokom pretresaa pronađena opojna drog. Prilikom pretresa dva ugostiteljska objekta na području općine Stari Grad, u 2018. godini, kod lica koja su se zatekla u objektu nije pronađena opojna droga, ali je opojna droga pronađena odbačena na pod objekta. Policijski službenici Uprave policije ovog Ministarstva iz naprijed navedenog razloga ne pribjegavaju čestim tzv. "racijama" u ugostiteljskim objektima, jer je veoma teško operativno pokriti objekat kako bi se spriječilo i uočilo odbacivanje opojne droge - dokaza za vođenje krivičnog postupka, od strane lica koja se nalaze u objektima koji se u tom momentu pretresaju.

Zbog toga, policijski službenici Uprave policije ovog Ministarstva, u skladu sa svojim zakonskim ovlaštenjima, prema licima koja vrše krivična djela iz oblasti zloupotreba opojnih droga, preduzimaju mjere i radnje iz svoje nadležnosti, kako u objektima u kojima se nalaze, uključujući ugostiteljske objekte kao javna mjesta, tako i na otvorenim prostorima, pri tome vrše prerese tih lica i od njih oduzimaju opojnu drogu i druge predmete.

Takođe, određeni problemi, kada su u pitanju "racije", odnosno pretresi ugostiteljskih objekata, ogledaju se u tome što se sudovi teško odlučuju na izdavanje naredbi za pretresanje. Sudovi nadležni za izdavanje naredbi za pretres ugostiteljskih objekata, prilikom donošenja odluke o izdavanju naredbi za pretres, rukovode se konkretnim činjenicama i razlozima za svaki pojedinačno ugostiteljski objekat, tj često obrazlažu da im nije dovoljan samo operativni podatak da se u objektu okupljaju dileri i konzumenti opojne droge, pravdajući to činjenicom da se pretresom uznemirava veliki broj gostiju tih objekata koji nemaju nikakve veze sa izvršenjem krivičnih djela od strane pojedinaca.

Polijski službenici Uprave policije MUP-a KS će svakako i u narednom vremenskom periodu, poseban akcenat u radu staviti, na intenziviranju aktivnosti koje se odnose na sprečavanje i otkrivanje krivičnih djela iz oblasti zloupotrebe opojnih droga.

Sarajevo; 10.05.2018. godine

Broj: 02/3-4- 53/18